

Recordando Cado van der Linden:

UN GRAN MUSICO ARUBANO CU A STIMA NOS CULTURA

ORANJESTAD (AAN): Diasabra 20 di Februari 1993 a bay laga nos den e mundo aki Ricardo "Cado" van der Linden, na edad di 69 aña.


Na un edad relativamente joven, esta apenas 14 aña Cado a cwninza traha na Lago, na cual compania el a traha casi 46 aña.

Dia 3 di November 1955 den Iglesia Imaculada Concepcion Cado a drenta enlace matrimonial cu Helena Ras-mijn, for di cual matrimonio a nace 5 yiu.

Cado tabata un tata ehemplar tanto pa su señora y yiu-nan. Cado tabata stima nos cultura hopi. E tabata tocado di Caha di Orgel "VICTORIA", actualmente "FLOR DI CASIBARI", hunto cu Sr. Cornes Noguera, actualmente den Maris Stella.

Den e decada 50 Cado y Cornes a viaha diferente lugar cu e Caha di Orgel "VICTORIA", e.o. Curaçao, Bonaire y Punto Fijo.

Na apertura di TeleAruba, casi 30 aña pasa, nan tabata e promernan cu a toca pa nos teledientenan. Cado tabata conoce casi tur doñonan di Caha di Orgel, pasobra e tabata e persona cu tabata traha man di caha, corona y e



conocido wiri.

Cado tabata un profesional den trahamento di wiri, y te ainda tin hopi wiri, tanto na Aruba como den exterior, obranan di dje. E tabata un

bon amigo di Rufo Wever (q.e.p.d.), kende e tabata yuda masha hopi mes den cor-tamento di clabo, cu Rufo tabata tin mester pa traha cylinder.

Na Juli 1961 Cado a toca den un festival di Caha di Orgel. Despues di añanan. Cado a actua diferente vez como jurado den festivalnan di Caha di Orgel.

Te promer cu su morto ainda hopi persona tabata bini cerca dje pa consejo of pa e traha algun piesa pa nan.

Cado sosega na paz, bo recuerdonan lo keda aki na mundo cerca hopi persona y tambe den nos curazon.